

BATASUNAREN LEGEZ KANPORATZEA. Eusko Jaurlaritzak eskatu zuen auzitik baztertzea

Auzitegi Konstituzionalak atzera bota du Jimenez de Pargaren errefusatzeari

Magistratu batzuk errefusatzeari onartzearen alde agertu dira boto partikularren bidez

Erredakzioa | **DONOSTIA**

Manuel Jimenez de Parga Auzitegi Konstituzionaleko presidentea Alderdien Legearen aurkako helegitea aztertuko duen epaimahaitik baztertzea ez du onartu Auzitegi osoko bilkurak, magistratu batzuk Eusko Jaurlaritzak aurkeztutako errefusatzeari onartzearen alde agertu badira ere. Hain zuzen ere, 11 magistratuetatik bost Jimenez de Parga auzitik baztertzearen alde agertu ziren atzo arratsaldean egindako bileran, eta sei errefusatzeari aurka, Radio Euskadik adierazi zuenez.

Manuel Jimenez de Pargak Batasuna lege kanporatzeko auzian «aldeko ebazpena» espero zuela esan zuelako aurkeztu zuen errefusatzeari, bigarren, Eusko Jaurlaritzak. Auzitegi Konstituzionalak atzo gauean prentsa ohar baten bidez jakinarazi zuen osoko bil-

kurak errefusatzeari atzera bota bazuen ere zenbait magistratu boto partikularra eman zutela. Dena den, Auzitegiaren oharak ez zuen zehaztu zenbat magistratu adierazi zuten errefusatzeari onartzearen aldeko iritzia.

Auzitegi Konstituzionaleko plenoak joan den astelehenean egin zuen errefusatzeari aztertzeko bilera eta, gauera arte eztabaidan izan ondoren, adostasunik lortu ez zutelako berriro batzartzekotan gelditu ziren, erabakia aho batez ematea helburu. Herenegun, Auzitegi Konstituzionaleko fiskalak errefusatzeari atzera botatzeari aldeko iritzia eman zuen. Atzo arratsaldean bigarren bildu ziren magistratuak eta, desadostasunik jarraitzen zutenez, gehiengoz hartu zuten erabakia, ez aho batez.

Behin errefusatzeari baztertua, Eusko Jaurlaritzak Alderdien Legeari jarritako inkonsti-



ANGEL DIAZ / EFE
Manuel Jimenez de Parga.

tuzionaltasun helegitea aztertu behar du orain Auzitegi Konstituzionalak.

Jaurlaritzaren helegitea otsailaren 11n aztertzekoa zen Auzitegia, baina Jaurlaritzak errefusatzeari aurkeztu zuelako atzeratu egin zuten helegiteari buruzko erabakia. Jimenez de

Parga izango da, hain zuzen ere, helegitea aztertuko duen epaimahaiko ponentea.

Auzitegi Gorenko prozesuan eragina

Auzitegi Konstituzionalak Alderdien Legearen helegiteari buruz zer eta noiz erabakiko duen, eragin zuzena izango du Batasuna lege kanporatzeko Auzitegi Gorenko auzian. Izan ere, Batasunaren defentsak Auzitegi Konstituzionalari Alderdien Legeari buruzko inkonstituzionaltasun galdea egiteko eskatuko dio Auzitegi Gorenko Sala Bereziak. Honek galdea egitea onartuko balu, Konstituzionalak erabakia eman arte eten egingo litzateke lege kanporatzeko prozedura. Horren aurretik Auzitegi Konstituzionalak Alderdien Legea Konstituzioarekin bat datorrela ebazten badu, Gorenak ez du Batasunaren eskaera aintzat ere hartuko.

UDALAK

PPk Laudioko alkatearen aurkako zentsura mozioa jartzea proposatu du

Erredakzioa | **GASTEIZ**

Laudioko Udaleko alkate Pablo Gorostiagaren aurkako zentsura mozioa aurkezteko deia egin zion atzo EAEko PPren presidente Carlos Iturgaitzek EAJ eta PSE-EEri, Laudion «ETAk agintzen» duela argudiatuta. Laudio PSE-EEko bozeramailea mozioa babestearen alde agertu zen, PPk esan zuenez. EAJk, ordea, arbuiatu egin du proposamena, eta «marketing operazio zaharkitua» egitea leporatu dio. EAJren aurkako jarrearekin Batasuneko alkatearen aurkako zentsura mozioa ezin izango da aurrera atera, gehiengo absolutua behar baitu onartua izateko. Laudioko Udalean Batasuneko sei zinegotzi daude, EAJk lau eta PPk eta PSE-EEK hiruna. Beraz, PPk PSEren babesaz gain EAJrena behar zuen.

ESTATU ITUNA. Zigorren gogortzeaz eta segurtasunaz hitz egin dute bileran



BERNARDO RODRIGUEZ / EFE

PP-PSOE Itunak zigorren gogortzeak berretsi ditu

PPren eta PSOEren arteko Estatu Ituna atzo bildu zen Madrilen, mahai gainean gai nagusi bat zuela: aipatu bi alderdiek eta Espainiako Gobernuak ordezkariek joan den astean zigorren gogortzeari buruz lortutako akordioa berrestea. Eta horrela egin zuten. Akordio horrek onartzen ditu Gobernuak zigorren gogortzeko eginiko proposame-

nak ia bere osotasunean, eta, besteak beste, zigorren 30 urtetik 40ra handitzea aurreikusten du. Era berean, jada zigortuta dauden presoek ere eragingo diete neurriak. Jose Maria Michavila, Angel Acebes eta Javier Zarzalejos izan ziren bileran Gobernuaren aldetik. Javier Arenas eta Jaime Mayor Oreja, besteak beste, PPtik; eta Javier Caldera eta Patxi Lopez, PSOEtik. Zigorren gogortzeaz gain, zinegotzien segurtasunaren gaia ere jorratu zuten, sozialistek eginiko eskaerari erantzunez. Zinegotzien segurtasuna bermatzeko funtsa hiru eta sei milioi euro bitarte handitzea aztertu zuten.

MAREA BIZIA-MAREA VIVA
KANPAINA

“Prestige” petroleo-ontzia urperatzeak ekarri duen hondamendiaren ondoren, garbiketa-lanetan laguntzeko bolondresak biltzea helburu duen kanpaina antolatu da.

Otsaila: 20, 21, 22 eta 23an
Martxo: 6, 7, 8 eta 9an
Apirila: 3, 4, 5 eta 6an

Hauk adierazitako ostegunetan 22:00etan abiatu eta 00:00ak aldera bueltatuko dira igandean.

EUSKADIKO ITSASALDEA

Euskadiko itsasaldera fuel-orbanak ailegatu eta gero, unean-uneko beharren arabera garbiketa-lanetan lagundu nahi duten boluntarioentzako poltsa irekitzeko asmoa dago.

Kasu honetan, txangoak egunbetekoak izango dira, larunbat nahiz igandez. Poltsan izena emanda dauden lagunei tenorez emango zaie Erdun jasotzen diren eskaeren berri.

Eskaerak jasotzea:

ERDU BULEGOA
 Landatxo gizarte etxea
 Santa Maria kalea, 4
 Tel.: 945 16 16 87
 Ordutegia: astelehenetik ostiralera, 10:00-14:00 eta 16:00-20:00

Argibide orokorretarako telefonoak:
 010 Zerbitzua eta Gazteen Argibideetarako Bulegoa

Antolatzaile:
 Erdur-Boluntarioen Bulegoa
 Su Italtze eta Salbamendu Zerbitzua

Antolatzaileak:
erdu

Laguntzaileak:
 Autocares Hijos de Erro S.L.

FUNDACION
Caja Vital Kutxa

Diputación Foral de Alava
Arabako Foru Aldundia